

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

Po zahtjevu Ortačkog advokatskog društva Moravčević, Vojnović & Partneri, u vezi sa tumačenjem člana 14. stav (1) Zakona o konkurenciji

Sarajevo
septembar, 2011. godine



Broj: 01-26-7-12-1-I/11
Sarajevo, 29.09. 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu Ortačkog advokatskog društva Moravčević, Vojnović & Partneri, Francuska 27, Beograd, Srbija, zaprimljenog od strane Konkurencijskog vijeća dana 08.08.2011. godine, pod brojem 01-26-7-12-I/11, Konkurencijsko vijeće, na 17. (sedamnestoj) sjednici održanoj dana 29.09. 2011. godine, je donijelo

MIŠLJENJE

Ortačko advokatsko društvo Moravčević, Vojnović & Partneri, Francuska 27, Beograd, Srbija, (u daljem tekstu: Podnosilac zahtjeva), podnijelo je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 08.08.2011. godine pod brojem 01-26-7-12-I/11.

Podnosilac zahtjeva traži mišljenje Konkurencijskog vijeća, u vezi obaveze podnošenja prijave koncentracije, odnosno tumačenja člana 14. stav (1) Zakona o konkurenciji ("Službeni glasnik BiH" 48/05, 76/07 i 80/09) (u daljem tekstu: Zakon), te postavlja pitanje koji se sve privredni subjekti uzimaju u obzir prilikom utvrđivanja ispunjenosti uslova za prijavu koncentracije.

U svom zahtjevu Podnosilac zahtjeva pita, da li je neophodno i da sticalac kontrole (kupac) ima zavisno društvo u Bosni i Hercegovini koje ima godišnji prihod preko 8.000.000,00 KM i da ciljno društvo u Bosni i Hercegovini ostvaruje prihod preko 8.000.000,00 KM, ili bi obaveza prijave namjere koncentracije postojala i u slučaju da sticalac kontrole (kupac) ima dva zavisna društva u Bosni i Hercegovini i svako od ta dva društva ima godišnji prihod preko 8.000.000,00 KM, dok ciljno društvo ne ostvaruje nikakav prihod u Bosni i Hercegovini.

Članom 14. stav (1) Zakona o konkurenciji propisano je da namjeravanu koncentraciju privrednih subjekta, iz člana 12. stav (1) istog Zakona, učesnici koncentracije su obavezni prijaviti, i to kada su ispunjeni slijedeći uslovi:

a) da ukupni godišnji prihod učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji, i

b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koje je prethodila koncentraciji, ili ako je njihov zajednički udio na relevantnom tržištu veći od 40%.

Navedena odredba Zakona se precizira odredbama Odluke o načinu podnošenja prijave i kriterijima za ocjenu koncentracija privrednih subjekta (u daljem tekstu: Odluka), te se članom 2. Odluke utvrđuje da su privredni subjekti sa sjedištem i prebivalištem u inostranstvu dužni prijaviti koncentraciju ukoliko su ispunjeni uslovi iz člana 14. stav (1) tačka a) i b) Zakona, a privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona.

Iz navedenog proizilazi da su privredni subjekti sa sjedištem i prebivalištem u Bosni i Hercegovini dužni prijaviti koncentraciju ukoliko ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%, bez obzira na njihov ukupni godišnji prihod ostvaren prodajom roba i / ili usluga na svjetskom tržištu, te ne moraju ispunjavati uslov iz člana 14. stav (1) tačka a) Zakona.

Privredni subjekti, učesnici koncentracije, od kojih neki imaju sjedište u Bosni i Hercegovini, a neki u inostranstvu i privredni subjekti, učesnici koncentracije sa sjedištem u inostranstvu koji imaju supsidijarna društva u Bosni i Hercegovini, su obavezni prijaviti koncentraciju ukoliko su ispunjeni uslovi iz člana 14. tačke a) i b) Zakona.

**Predsjednik
dr. Stjepo Pranjić**